

आकाशवाणी

1.प्रधानमंत्री नरेंद्र मोदी होंरें आक्खेआ जे, केंद्रीय मंत्रिमंडल आस्सेआ शैहरी चुनौती कोष गी मंजूरी कन्नै उच्च गुणवत्ता आहली शैहरी अवसंरचना दा निर्माण होग ते शैहर देशे दे आर्थिक विकास दे प्रमुख प्रेरक बनडन।

2.आर्थिक मामलें दी मंत्रिमंडलीय समिति नै असम च ब्रह्मपुत्र नदी दे हेठ देशें दी पैहली अंडरवॉटर ट्विन ट्यूब सड़क ते रेल सुरंग परियोजना दे निर्माण गी मंजूरी दिती; लगभग 16 किलोमीटर लम्मी एह दुनिया च अपनी चाल्ली दी दूई सुरंग होग।

3.गृह मंत्री अमित शाह होंरें वितरण तंत्र च पारदर्शिता आननदमसकद कन्नै दशैं दी पैहली केंद्रीय बैंक डिजिटल मुद्रा दी शुरुआत कीती।

4.ईरान दे परमाणु कार्यक्रम पर अमरीका ते ईरान बश्कार दूरे दौर दी गल्लबात अगले हफते होग।

5. महाशिवरात्रि अज्ज पूरे देशें च श्रद्धा ते उत्साह कन्नै मनाई जा'रदी ऐ। राष्ट्रगपति, उपराष्ट्रोपति ते प्रधानमंत्री होंरें लोकें गी शुभकामना दितियां।

<><><><><><>

PM UCF

प्रधानमंत्री नरेन्द्र मोदी होंरें इक लक्ख करोड़ रुपे दे शैहरी चुनौती कोष-यूसीएफ गी मंजूरी दिते जाने दी केन्द्रीय मंत्रिमंडल दी सराहना कीती ऐ। इक सोशल मीडिया पोस्ट च मोदी होंरें आक्खेआ जे एह कोष उच्च गुणवत्ता दी शैहरी अवसंरचना प्रदान करने आस्तै बाजार वित्त, निजी भागीदारी ते नागरिक केंद्रित सुधारें दा लाह टोआग। उने आक्खेआ जे एह पैहल शहरें गी देशे दी आर्थिक वृद्धि दा मुख प्रेरक बनग। शैहरी चुनौती कोष-यूसीएफ गृह ते शैहरी मामलें दे मंत्रालय दी इक केंद्र प्रायोजित संयुक्त योजना ऐ। इसदे च केंद्र दी तरफा कुल इक लक्ख करोड़ रुपे दी सहायता राशि दिती जाग। इस कोष दा मकसद लचीले, उत्पादक, समावेशी ते जलवायु प्रति संवेदनशील शहरें दा निर्माण करना ऐ, तां जे उनें गी देशे दे आर्थिक विकास दे अगले गे दे प्रमुख चालक दे तौर पर स्थापित कीता जाई सकें। इस कोष दा मकसद परियोजनाएं गी दोहार योग्य बनाईऐ दोआर लैने आहले ते निजी हिससेदारें आस्तै जोखिम गी घट्ट करिए निजी पूंजी

गी आकर्षित करना ऐ। एह कोष परियोजना लागत दा 25 प्रतिशत तकर दा समर्थन देगा, बशर्ते परियोजना दी लागत दा घटोघट्ट 50 प्रतिशत बाजार सोयां जुटाया जा, जिसदे कन्ने निजी भागीदारी आस्तै इक साफ ते स्पष्ट बत पदरी होई सकै। एह कोष माली बरे 2025-26 सोयां 2030-31 तकर कम्म करग, जिसी माली बरे 2033-34 तकर बढ़ाया जाई सकदा ऐ। इस गें कन्ने अगले 5 बरें च शैहरी क्षेत्र च कुल चार लक्ख करोड़ रुपे दा निवेश होग। एह भारत दे शैहरी विकास दे तौर-तरीकें च अनुदान आधारित माली सोयां मार्केट-लिंकड, सुधार ते नतीजे पर आधारित अवसंरचना बनाने दी पेठा इक बड्डा बदलाव बी लेईए ओग।

<><><><><><>

Centre-Asam Tunnel

केंद्र सरकार नै असम च ब्रह्मपुत्र नदी हेठ देश दी पैहली अंडरवॉटर ट्विन ट्यूब सड़क ते रेल सुरंग परियोजना दे निर्माण गी मंजूरी देई दिती ऐ। आर्थिक मामलें दी मंत्रिमंडलीय समिति नै करीब 34 किलोमीटर लम्मी चार लेन आली इस परियोजना गी मंजूरी दिती। एहदे च नदी हेठ करीब 16 किलोमीटर लम्मी दोहरी सुरंग दा निर्माण बी शामिल ऐ। इस बुनियादी ञांचागत परियोजना पर 18 जहार 662 करोड़ रुपे दी लागत ओग। एह सुरंग असम च राष्ट्री राजमार्ग-15 पर स्थित गोहपुर ते राष्ट्री राजमार्ग-715 पर स्थित नुमालीगढ़ गी जोड़ग, जेदे नै असम दे दौनें शहरें बश्कार दी दूरी 240 किलोमीटर थमां घटिये मात्र 34 किलोमीटर रेई जाहग। यात्रा दा समें 6 घंटे थमां घटिये सिर्फ 20 मिंट होई जाहग। इस परियोजना कन्ने असम, अरुणाचल प्रदेश, नगालैंड ते पूर्वोत्तर दे होरनें राज्यें गी बड़ा लाह मिलोग। एह दुनिया दी दुई अंडरवाटर रोड ते रेल सुरंग होग। प्रधानमंत्री नरेन्द्र मोदी होरें सोशल मीडिया पर इक पोस्ट च पूर्वोत्तर दे संपूर्ण विकास च इस परियोजना दी भूमिका दी सराहना करदे होई आखेआ जे इस परिवर्तनकारी कदम कन्ने असम ते संपूर्ण पूर्वोत्तर क्षेत्र च कनेक्टिविटी बढोग, माल णुलाई च बाद्दा होग, लागत घटोग ते सामाजिक ते आर्थिक विकास गो गति मिलग। एहदे अलावा सरकार नै रेल, सड़क, बुनियादी ञांचे ते कनेक्टिविटी कन्ने संरंबधत कई होर परियोजनाएं गी बी मंजूरी दिती। कैबिनेट नै दिल्ली, हरियाणा, महाराष्ट्र ते कर्नाटक राज्यें दे 12 जिलें गी कवर करने आली त्रै मल्टीट्रैकिंग रेल परियोजनाएं गी बी मंजूरी दिती।

<><><><><><>

PM-Rahat Scheme

प्रधानमंत्री नरेंद्र मोदी हों सड़क हादसे च घायल लोकें गी अस्पताल च भर्ती ते उनेंगी इलाज दी गरंटी देने लेई पी.एम राहत ना दी स्कीम गी मंजूरी दिती ऐ। इस स्कीम च कुसै बी चाल्ली दे सड़क हादसे दी स्थिति च 7एं दिनें तगर दे इलाज लेई डे॥ लकख रपे तगर नकदी रहत इलाज दा खर्चा सरकार चुक्कोग। सड़क ट्रांसपोर्ट ते जरनैली सड़कें सरबंधी मंत्रालय मुजब इस स्कीम कन्नै एह यकीनी बनोग जे हादसे दे बाद इलाज नेई थहोने कारण कुसै दी जान नेई जा। मंत्रालय मुजब सरकार अस्पतालें गी इस खर्च दा भुगतान मोहत वाहन दुर्घटना कोष चा करोग।

<><><><><><>

HM US Trade Deal

गृह मंत्री अमित शाह हों देसै दे करसानें प्रति मोदी सरकार दी प्रतिबद्धता दोहरान्दे होई भरोसा दोआया जे सारे अंतरराष्ट्रीय व्यापार समझौतें च करसानें, पशुपालकें ते मछुआरें दे हितें दी रक्षा बरकरार रखी जाग। शाह हों गुजरात दे गांधीनगर स्थित महात्मा मंदिर च देशै दी पैहली केंद्रीय बैंक डिजिटल मुद्रा आधारित सार्वजनिक वितरण प्रणाली दी शुरुआत करने मगरा एह गल्ल आक्खी। उने विपक्ष दे दावें दा खंडन करदे होई आक्खेआ जे भारत-अमरीका व्यापार समझौते ते भारत-यूरोपीय संघ मुक्त व्यापार समझौते च करसाने, पशुपालकें ते मछुआरें दे हितें दी रखी कीती गई ऐ। गृहमंत्री हों विश्वास जाहिर कीता ऐ जे नमी डिजिटल टोकन आधारित वितरण प्रणाली, सार्वजनिक वितरण प्रणाली च भ्रष्टाचार गी खतम करोग ते वितरण प्रक्रिया च जरुरी पारदर्शिता आनग। एह प्रणाली लाभार्थियें गी डिजिटल वॉलेट टोकन प्रदान करग जिसदे च चीज दा नां, मात्रा ते मूल्य दा विवरण होग। श्री शाह हों पिच्छले इक दहाके च सरकार आस्सेआ गरीबें दे हित च पुट्टी गेदी गें दा जिक्र कीता ते आक्खेआ जे इने जतने कन्नै 27 करोड़ लोक गरीबी दी रेखा सोयां बाहर औने च सफल रए न। इस मौके पर **केंद्रीय उपभोक्ता मामल॥ खाद्य त॥ सार्वजनिक वितरण मंत्री प्रहलाद जोशी हों घोषणा कीती जे तौले गै चंडीगढ़, पुददुचेरी ते दादरा ते नगर हवेली जनेह केंद्रशासित प्रदेशें च बी इस पैहल दा विस्तार कीता जाग। इस पैहल दे कन्नै, गुजरात, भारतीय रिज़र्व बैंक आस्सेआ अधिकृत सेंट्रल बैंक डिजिटल करेंसी दा इस्तेमाल करिए सार्वजनिक वितरण प्रणाली दी सब्सिडी हस्तांतरित करने आहला देशै दा पैहला राज्य बनी गया ऐ। साहडे संवाददाता**

नै दस्सेआ ऐ जे इस प्रायोगिक परियोजना दे तैहत, अहमदाबाद, सूरत, आणंद ते वलसाड दे 26 हजार सोयां मते परोआरे गी उनदे वॉलेट च डिजिटल टोकन हासिल होडन, जिनदा इस्तेमाल ओह क्यूआर कोड या ओटीपी दे राए राशन खरीदने आस्तै करी सकडन। इस मौके पर श्री शाह होरें अहमदाबाद च 'अन्नपूर्ति' अनाज एटीएम दा वर्चुअल उद्घाटन बी कीता, जेडा छडे 35 सेकंड च 25 किलोग्राम तकर अनाज बडवितरित कर सकता है। गृह मंत्री ने नर्मदा जिले में कुपोषण से निपटने के लिए 'सुपोषित गरुडश्वर' मिशन का भी शुभारंभ किया। इसके अतिरिक्त, राज्य में उपभोक्ता संरक्षण और पारदर्शिता को मजबूत करने के लिए केयर रेटिंग्स और उपभोक्ता शिक्षा और अनुसंधान केंद्र के साथ दो समझौता ज्ञापनों पर हस्ताक्षर किए गए।

<><><><><><>

Iran US

अमरीका ते ईरान अगले हफते ईरान दे परमाणु कार्यक्रम पर दूरे दौर दी गल्लबात करडन। स्विट्जरलैंड दे विदेश मंत्रालय नै इसदी पृष्टि कीती ऐ। छह फरवरी गी अप्रत्यक्ष गल्लबात दे पैहले चरण दी मेजबानी करने आहला ओमान हुन जिनेवा च होने आहली इने वार्ताएं दी मेजबानी करोग।

<><><><><><>

Bangladesh oath

बंगलादेश च नमे चनोए दे सांसदें ते मंत्रिमंडल दे सदस्यें गी मंगलवार 17 फरवरी गी संगंध चुकाई जाहग। हाल च गै करोआए गेदे आम चुनावें च बांगलादेश नेशनलिस्ट पार्टी-बीएनपी नै 299 चा 209 सीटें पर जित हासल कीती ऐ। बीएनपी नेताएं आखेआ ऐ कि शपथ ग्रहण समारोह लेई भारत, चीन ते पाकिस्तान सने कोई इक दर्जन गोआंडी मुखें दे राष्ट्र अध्यक्षें गी साद्दा दिता जाहग। बीएनपी दे महासचिव हुमायू कबीर नै दस्सेआ ऐ कि उंदी सरकार आपसी सम्मान ते हितें दे आधार पर भारत सने सभनें गोआंडी मुखें कन्ने निगगर सरबंध कायम करना चाहंदी ऐ।

<><><><><><>

Mahashivratri

महाशिवरात्रि दा ध्यार अज्ज पूरे मुखें च रिवायती श्रद्धाभाव ते आध्यात्मिक उत्साह कन्ने मनाया जा'रदा ऐ। भगवान शिव दे भक्तें लेई सभनें शा पवित्तर मन्ने जाने

आहले इस ध्यार दे मौके कई लोक वर्त बी रखदे न। मंदरें च पूरा दिन ते पूरी रात विशेष पूजा-अर्चना कीती जंदी ऐ। मुल्खै दे सभनें मंदरें टकोहदा करिये शिवें दे द्वारें च भक्तें दा भारी रश दिक्खने गी लब्बै करदा ऐ। कई तीर्थ स्थानें पर लोक विशेष श्णान करिये बी शिवें दा शीरवाद हासल करदे न।

<><><><><><>

Mahashivratri jammu

महाशिवरात्री दा त्यौहार जम्मू खिते दे बक्ख-बक्ख मंदरें ते तीर्थ स्थानें च बड़े उत्साह ते धार्मिक श्रद्धा कन्नै मनाया जा'रदा ऐ। बड्डलै सवेलै थमां गै बड़ी मती गिनतरी च श्रद्धालुएं मंदरें च जाइयै मत्था टेकेआ ते शिवें दा अशीर्वाद लैता। तोआई, उधमपुर जिले च भगवान शिव गी समर्पित मंदरें च श्रद्धालुएं दी बड़ी मती भीड़ दिक्खने गी लब्बी।

<><><><><><>

Maharashtra-Mahashivratri

महाराष्ट्र च महाशिवरात्रि पर श्रद्धालुएं दी भीड़ शिव मंदिरें च दक्खी जाई सकदी ऐ। मुंबई च, मशहूर बाबुलनाथ मंदिर दे बाहर लोकें दिया लम्मियां लम्मियां रीगा दिक्खने गी लब्बियां। अहिल्यानगर जिले च, अगस्ती, सिद्धेश्वर, धोकेश्वर, मल्लिकार्जुन घोटान ते बेलेश्वर सने बक्ख बक्ख मंदिरें च राती सोयां गै भारी भीड़ दक्खी जा र दी ऐ। तोआई हिंगोली स्थित 8में ज्योतिर्लिंग माने जाने आहले औंधा नागनाथ मंदिर ते गोंदिया कश स्थित प्राचीन पंचमुखी शिव मंदिर च बी श्रद्धालुएं दा खास रश दिक्खा जा र दा ऐ। कर्नाटक च श्रद्धालु महाशिवरात्रि दा पर्व मना र दे न। हजारां बद्दे लोक महाबलेश्वर मंदिर, मुरुदेश्वर स्थित शिव प्रतिमा ते पूजनीय श्रीकांतेश्वर मंदिर सने प्रमुख शैव तीर्थ स्थलें पर जा रदे न। श्रद्धालु स्नान करिए शिवें गी बेल पत्र अर्पित करा'रदे न। ते रुद्राभिषेक समारोहें च हिस्सा लै'रदे न।

<><><><><><>

IMD

मौसम विभाग नै अज्ज हिमाचल प्रदेश च घना कोहरा छाये रौहने दा अनुमान जाहिर कीता ऐ। विभाग नै तटीय कर्नाटक, कोंकण ते गोवा च कल तक र गर्म ते उमस भरे मौसम दी पेशगोई कीती ऐ। मौसम विभाग दा अनुमान ऐ जे अगले 24 घंटे च उत्तर-

